

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0057477 24
Zenica, 22.08.2024. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 1. i 2. tačka i) u vezi sa članom 241. stav 1. i člana 242. Zakona o krivičnom postupku F BiH, p o d i ž e m

O P T U Ž N I C U

Protiv:

C. E., *neosuđivan*,

što je,

Dana 02.03.2024. godine oko 20,50 sati, u mjestu Vojnica, Careva Čuprija, općina Olovo ušao u objekat lovačkog doma vlasništvo „.....“ u kome se održavalo lovačko sijelo, te nakon nekog vremena boravka u objektu, ustao sa stolice na kojoj je sjedio krećući se u pravcu šanka objekta, udarajući rukom limenku punu piva koja se nalazila na šanku, i poprskala S. O. i K. E. koji su se tu zatekli, nakon čega se obratio E. psujući mu majku, a zatim prišao O. kojeg je rukama uhvatio za odjeću u predjelu grudnog koša i rekao mu: „šta ti hoćeš, jebem ti sve“, a onda na nagovor K.E. i Ž. H. napustio objekat, te se u isti vratio nakon nekog vremena, naglo otvarajući vrata, držeći pištolj u ruci marke „CRVENA ZASTAVA“, model M57, kalibra 7,62 mm, serijskog broja, koji je potom repetirao i usmjerio prema K. E., S. E. i S. S. koji su se nalazili za šankom objekta u Lovачkom domu, svjestan da na taj način ugrožava sigurnost više osoba ozbiljnom prijetnjom da će napasti na život tih osoba, što je i htio, usljed čega su K. E., S. E. i S. S. osjetili ugroženost i strah za vlastiti život nakon čega je u daljnjim prijetnjama spriječen od strane A. S. koji mu je prišao s leđa, uhvatio ga za ruku u kojoj je držao pištolj, te mu isti oduzeo uz pomoć ostalih prisutnih lica koji su ga stavili pod kontrolu, da bi potom bio lišen slobode od OSL PS Olovo,

Dakle, ugrozio sigurnost više osoba ozbiljnom prijetnjom da će napasti na život,

čime je počinio krivično djelo Ugrožavanje sigurnosti iz člana 183. stav 2. KZ F BiH.